

ლიტერატურული ჟანრები

რედაქტორები: ირმა რატიანი, გაგა ლომიძე

გამომცემლობა: GCLA Press, 2023

წინამდებარე წიგნი მომზადდა შოთა რუსთაველის ქართული ლიტერატურის ინსტიტუტის ლიტერატურის თეორიისა და კომპარატივისტიკის განყოფილების ბაზაზე და მოიცავს ნაშრომებს ჟანრების შესახებ. ეს არის პირველი წიგნი, სადაც თავმოყრილია ნაშრომები ეპოსსა და დიდ ეპიკურ ჟანრებზე, დრამასა და დრამატულ ჟანრებზე. მეორე წიგნი მომზადების პროცესშია და მასში გაერთიანდება მცირე ეპიკური ჟანრები და ლირიკა.

განსაზღვრულია ლიტერატურისა და ლიტერატურათმცოდნეობის პრობლემებით დაინტერესებული ფართო მკითხველისათვის. მისი გამოყენება მიზანშეწონილია როგორც ფილოლოგიური, ისე, ზოგადად, ჰუმანიტარული პროფილის სტუდენტებთან სწავლების ყველა საფეხურზე: ბაკალავრიატში, მაგისტრატურასა და დოქტორანტურაში.

ვალტერ ბენიამინი

რჩეული ესეები

მთარგმნელი: ანა ცქიტიშვილი

რედაქტორები: გიორგი მაისურაძე, ლექსო დორეული, მალხაზ ხარბედია.

გამომცემლობა: არილი, 2023

წინამდებარე ნაკრები ბენიამინის რჩეულ ესეებს მოიცავს. ბუნებრივია, სელექცია სუბიექტურია. მკვლევრები მისი შემოქმედების ეტაპებს ადრეულ, შუა და გვიანდელ პერიოდებად ყოფენ. ქართულ ენაზე სათარგმნად, ძირითადად, ადრეული და შუა პერიოდის ნააზრევი შეირჩა. ადრეული პერიოდიდან გამორჩეულია ბენიამინის „მთარგმნელის ამოცანა“ (1921), რომელიც თარგმანის თეორიისთვის უმნიშვნელოვანესი ნაშრომია და რომელიც წიგნის ბოლოს გამიზნულად მოხვდა. შუა პერიოდიდან განსაკუთრებით ალსანიშნავია „სიურრეალიზმი“ (1929) – აქ, როგორც ესეის ქვესათაური გვატყობინებს, ბენიამინი იმდროინდელ ევროპულ ინტელიგენციას ფირზე აღბეჭდავს და სრულიად ცოცხლად ნარმოგვიდგენს; „პრუსტის სახე“ (1929), „ფოტოგრაფიის მცირე ისტორია“ (1931) და, რასაკვირველია, ან უკვე ნახსენები „ფრანც კაფკა: მისი გარდაცვალებიდან მეათე წლისთავზე“ (1934). იშვიათად, რომ ავტორს შეეძლოს რომელიმე დარგისა თუ მიმართულების ჩამოყალიბებისა და განვითარების შესახებ ისტორიებს ზუსტად ისე შთამბეჭდავად მოჰყვეს,

როგორც ის ცალკეული ავტორების პორტრეტების გამოსახვას ახერხებს. ეს ორი რამ ერთმანეთისგან სრულიად განსხვავდება. ბენიამინი ორივე-გან მოწოდების სიმაღლეზე დგას.

კოკა ბრეგაძე

ორი ცდა გოეთეზე: გოეთეს მსოფლმხედველობა.

გოეთე და ნიცშე

გამომცემლობა: მერიდიანი, 2023

გოეთეს პიროვნებისა და მსოფლმხედველობის საკითხები ქართულ სამეცნიერო სივრცეში აუთვისებელია. რა თქმა უნდა, იყო პირველი თაობის გერმანისტების გამოკვლევები, მაგრამ ეს ხდებოდა საბჭოთა საქართველოს პერიოდში და მათ იდეოლოგიური დაღი აზის. ახალ გამოცემაში გოეთეს პიროვნება, მისი მსოფლმხედველობა, მაგალითად, პლატონისტური, ნეოპლატონისტური, არისტოტელესული, სპინოზასეული, ლაიბნიცისეული პერსპექტივებიდან არის განხილული, ასევე, თავად გოეთეს ურფენომენის სწავლების პერსპექტივიდან. რაც შეეხება გოეთეს შემოქმედების კრიტიკასა და რეცეფციას ნიცშესთან, ეს საკითხიც ნაკლებადაა შესწავლილი. ახალი გამოცემა როგორც სპეციალისტებს, ასევე, ფილოლოგის, გერმანისტიკის, ფილოსოფიის ბაკალავრიატის, მაგისტრატურის, დოქტორანტურის საფეხურის სტუდენტებსა და დაინტერესებულ მკითხველს მნიშვნელოვან ახალ ინფორმაციას მიაწვდის. ასევე, დავამატებ, რომ ეს არის ერთგვარი მცდელობა გოეთეს პიროვნებასა და მის შემოქმედებასთან მიახლების. წიგნის სახელწოდებაც აქედან გამომდინარე შეირჩა – წიგნი-ცდა, წიგნი-მცდელობა.

ჰაიუელ დიქსი

ავტოფიქცია და კულტურული მეხსიერება

Autofiction and Cultural Memory

By Hywel Dix

გამომცემლობა: Routledge, 2022

ავტოფიქცია და კულტურული მეხსიერება ახალ გზას იკვლევს ავტოფიქციის კვლევებში და აჩვენებს, თუ როგორ აქცევს პოსტკოლონიურ მწერლებს წარსული კულტურული თუ პოლიტიკური ბრძოლების მოწმედ და, შესაბამისად, ხელს უწყობს კულტურული მეხსიერების ახალ ფორმებს. ავტოფიქციის უმეტესობა განიხილავს მას, როგორც ინდივიდუალისტურ ფორმას, რომელიც უკავშირდება მისი ავტორების პიროვნულ ზრდას. ამით ის უპირატესობას ანიჭებს პერსონალური განვითარების ნა-რატივებს, სოციალური ვალდებულებების შესახებ ნარატივებთან შედარებით და ეთანხმება საკუთრებისა და ავტორობის დასავლურ კონ-

ცეფციებს. ამის საპირისპიროდ, ჰაიუელ დიქსი გვიჩვენებს, თუ რამდენად განსხვავებულად გამოიყენა დასავლური სამყაროს გარეთ სხვადასხვა მწერალმა ავტოფიქციის ტექნიკა, რითაც ისინი მათ მიერ მოთხოვილ ამბებს გაემიჯნენ და სოლიდარობა გამოხატეს იმპერიალიზმისა და ტი-რანიის წინააღმდეგ ბრძოლის მიმართ.

ალჟირის, ეთიოპიის, კარიბის ზღვის, ამერიკის, ინდოეთისა და თურ-ქეთის მაგალითებზე დაყრდნობით, დიქსი წარმოადგენს ავტოფიქციას, როგორც ფორმას, რომელიც აერთიანებს ავტორების ცხოვრებისეულ ისტორიებს მათი საზოგადოებების კოლექტურ ბრძოლასთან, რომელიც ითვალისწინებდა ისტორიული უსამართლობის აღდგენას, რომელიც მარ-გინალიზებული და დავინებული იყო. კულტურული მეხსიერების ახალი ფორმების ფორმირების ხელშეწყობით, ავტოფიქცია წამოჭრის მნიშ-ვნელოვან საკითხებს იმის შესახებ, თუ რის დამახსოვრებას ვირჩევთ და რას ვაფასებთ ანმყოში. ეს წიგნი საგულისხმო იქნება ყველასთვის, ვინც დაინტერესებულია პოსტკოლონიური კვლევებით, მსოფლიო ლიტერატუ-რით, ტრავმის კვლევებით, ავტობიოგრაფიით, ბიოგრაფიით ან სოცი-ალური სამართლიანობის საკითხებით.

რიჩარდ შუსტერმანი
ფილოსოფია და წერის ხელოვნება
Philosophy and the Art of Writing
By Richard Shusterman
გამომცემლობა: Routledge, 2022

ფილოსოფიასა და ლიტერატურას მჭიდრო, რთული ურთიერთობა აქვს. ამ ორ სფეროს შორის კავშირების გასარკვევად, ეს წიგნი განიხილავს გზებს, თუ როგორ იყენებს ფილოსოფია ლიტერატურულ საშუალებებს თავისი პრაქტიკის გასაუმჯობესებლად, განსაკუთრებით, როგორც ცხოვ-რების წესი, რომელიც სცილდება ლიტერატურულ ფორმებსა და სიტყ-ვებს და ფიზიკურ საქმეებად, არალინგვისტურ გამოხატულებად და სუ-ბიექტურ განწყობებად და გრძნობებად გარდაიქმნება. წიგნი იკვლევს მოაზროვნებს სოკრატედან და კონფუციდან ფუკოსა და სიმონ დე ბო-ვუარამდე. რიჩარდ შუსტერმანს აინტერესებს საკითხი, თუ რა როლი შეიძლება შეასრულოს ლიტერატურამ ფილოსოფიის, როგორც რაღაც არ-სებითად განცდილის და არა მხოლოდ დაწერილის მიმართ დამოკიდებუ-ლებაში. ფილოსოფიისადმი ამ ხედვის განსავითარებლად, რომელიც ლი-ტერატურასაც მოიცავს, მაგრამ იმავდროულად ცდილობს გასცდეს ვერ-ბალურს, რათა გააცნობიეროს სიცოცხლის ხორცებების სისავსე და აღიქვას მისი გამოუთქმელი განზომილებები, შუსტერმანი განსაკუთრე-ბულ ყურადღებას აქცევს ავტორებს, რომლებიც არღვევენ ლიტერატუ-რასა და ფილოსოფიას შორის არსებულ გამიჯვნას: ავგუსტინეთი და

მონტენით დაწყებული უორდსვორთამდე, კირკეგორამდე, თ.ს. ელიოტამ-დე, უორუ ბატაიმდე, მორის ბლანშომდე თუ ბერტრან რასელამდე. წიგნი მთავრდება თავით ჩინურ წერის ხელოვნების შესახებ, რომელშიც გა-ერთიანებულია პოეზია, კალიგრაფია და ფერწერა.

„ფილოსოფია და წერის ხელოვნება“ განსაკუთრებით საგულისხმო იქნება ლიტერატურის თეორიისა და ფილოსოფიის ფაკულტეტების სტუ-დენტებისა და მკვლევარებისთვის.

უორუ ბატაი
სასარგებლოს საზღვარი
The Limit of the Useful
By Georges Bataille
გამოცემლობა: The MIT Press, 2023

„შინაგანი გამოცდილების“ (L'expérience intérieure) გამოქვეყნებამდე ათწლეულის განმავლობაში მეოცე საუკუნის ფრანგმა ფილოსოფოსმა უორუ ბატაიმ შექმნა ახალი შედევრი, რომელიც შეიცავს მის ყველაზე ორიგინალურ და ვრცელ რეფლექსიას სხვადასხვა თემაზე. რიტუალური მსხვერპლშენირვისა და სამხედრო დაპყრობების, სიცილის ბუნებისა და კაპიტალიზმის მექანიზმების შესახებ. „სასარგებლოს ზღვარი“ – ამ სათაურის დარქმევას აპირებდა ბატაი თავისი ნაშრომისთვის, ნათელს ფენს ფილოსოფოსის გვიანდელი პერიოდის ნაშრომებს, მაგრამ ის და-უმთავრებელი და გამოუქვეყნებელი დარჩა მის სიცოცხლეში. ეს არის პირველი ინგლისურენოვანი თარგმანი ნაშრომის, რომელსაც ქორი ოსტინ კნუდსონი და თომას ელიოტი ბატაის სტრუქტურულად ერთ-ერთი ყველაზე თანმიმდევრულ ნაშრომად მიიჩნევდნენ. ესეებისა და „და-წყევლილი წილის“ სამუშაო ვერსიებთან შეჯერებისას, ასზე მეტგვერ-დიანი დანართის ჩათვლით, ნაშრომი გამორჩეულად წარმოაჩენს ბატაის ნააზრევს. „სასარგებლოს ზღვარი“ მოიცავს ბატაის ცხოვრების ინტე-ლექტუალური ძიებების ათწლეულს, როდესაც ის პირველად დაუპი-რისპირდა კაპიტალიზმს ცნებებითა და იდეებით ისე, როგორც მის სხვა გამოქვეყნებულ ნაშრომებში არ ჩანს. აღნიშნული წიგნი ბატაის სიურე-ალისტურ ლიტერატურულ ნაწარმოებებსა და შემდგომ სამეცნიერო პრე-ტენზიებს შორის არსებულ უფსკრულს ავსებს.